

中華民國
國民政府印

爲前鮑羅廷煽起政變在廣州所下通緝令除朱卓文一人外一概取銷令廣東省政府

國民政府訓令 天字第一六九號

令廣東省政府

爲令行事現准中央執行委員會咨開准伍委員朝樞古委員應芬李委員煜瀛吳委員敬恆丁委員惟汾提議稱民國十四年秋末國民政府在廣州時代鮑羅廷煽起政變屢下通緝要人之令此次廣州革命紀念會董事李綺菴李祿超鄧慕韓黃澤生周潤芝楊耀焜李朗如來呈言於共產黨逆謀未著之前忠實同志在報紙以中國不宜共產命題徵文鮑羅廷不俟徵文刊佈即將報社籍沒并將徵文者通緝云云本委員等查得諸如此類之荒謬措施至今尙未有人糾正而被緝者猶遭官廳監視實不足彰明公道故請於當時因刑案通緝如朱卓文一人非關政變仍予通緝到案以便法辦外（又與朱情形相同之人雖未通緝亦應法辦）其餘凡在十四年八月二十以後至十五年三月二十日以前因政變在廣東通緝之人類皆被共產黨所冤誣伏望迅賜議決咨達國民政府並飭知廣東省政府將前下通緝之命一概取銷實爲公便等由經提出本會議第一百十二次會議議決照准交國民政府除函復外相應錄案咨請政府查照辦理等由准此應即照辦除電知廣州政治分會外合行令仰查照辦理此令

中華民國十六年七月二十日

中華民國
政府印

爲保存南京聚寶門臺城等古跡令南京市政府遵照

國民政府訓令 天字第一七〇號

令南京市政府

爲令遵事本府秘書長鈕永建簽呈據江蘇教育經費管理局局長廉泉送來關於保存古跡意見書一件內稱聞南京市政府以新都建設需費將標賣南京全城城垣城基化無用爲有用自屬良策查城之南門俗名聚寶門關闔三重氣象閎壯工程偉大爲全城各門之冠亦爲全國稀有之建築城北臺城一段尙爲六朝遺跡江南最古之建築似應仿照北京前門倫敦舊堡辦法保存不拆以留古跡並應責令承辦公司或商人加以修葺俾便登涉尤須酌留餘地建造公園一則在人烟稠密之地使市民得游息疏散之所一則在北極閣玄武湖畔使旅客得登臨抒懷古之思事屬保存文化永留紀念之舉尤爲中外文物觀瞻之所繫南京城周幾九十里留此區區當於經費上無甚影響以上意見是否有當統祈公決施行等情據此查此事關係保存古跡合行令仰該市政府遵照辦理此令

中華民國十六年七月二十一日

中華民國
政府印